


PRUDENTIAL BSN

TAKAFUL

# TAKAFULINK DANA ASIA

## HELAIAN FAKTA DANA UTAMA 2022



## TAKAFUL & KAMI

---

Takaful secara harfiah bermaksud tanggungjawab, jaminan, jaminan kolektif dan usaha bersama. Secara umum, takaful diasaskan pada pengaturan kerjasama (*Ta’awun*) berdasarkan prinsip-prinsip bersama dan solidariti, merangkumi unsur-unsur indemnititi dan kepentingan bersama. Takaful ditakrifkan di bawah Seksyen 2 Akta Perkhidmatan Kewangan Islam 2013, iaitu perkiraan berdasarkan pertolongan secara kolektif yang di bawahnya peserta takaful bersetuju menyumbang kepada suatu kumpulan wang yang sama bagi menyediakan manfaat kewangan bersama untuk dibayar kepada peserta takaful itu atau kepada benefisiarinya pada masa berlaku sesuatu kejadian yang telah dipersetujui terdahulu.

Bergantung pada model takaful yang diluluskan, caruman peserta akan disalurkan ke dana berasingan untuk pelaburan. Dana-dana\* kami hanya dilaburkan di dalam pelaburan patuh Syariah, dalam dan luar negara. Setiap pelaburan dibuat selepas mengambil kira risiko dan pulangan yang terlibat.

Di Prudential BSN Takaful Berhad (PruBSN), kami mendukung nilai-nilai ini melalui amalan profesional bagi menyediakan segala keperluan peserta. Nilai-nilai ini amat jelas dalam setiap transaksi sekaligus menjadikan kami sebagai pilihan berhemat.

Melalui rangkaian agensi dan rakan niaga, kami menyediakan pelbagai produk inovatif yang melindungi setiap aspek kehidupan anda. Daripada perlindungan ke simpanan dan keperluan kerohanian, setiap produk kami dicipta untuk memberikan ketenangan minda anda.

\* *Dana Takafulink adalah instrumen pelaburan patuh Syariah.*

## TAKAFULINK DANA ASIA

Ciri-ciri Dana	
Objektif Pelaburan	Takafulink Dana Asia (Dana) bertujuan untuk menyediakan peningkatan nilai modal dengan melabur dalam sekuriti patuh Syariah dalam rantau Asia Pasifik kecuali Jepun termasuk Malaysia.
Strategi Pelaburan & Pendekatan	Dana bertujuan untuk mencapai objektifnya dengan melabur dalam sebuah skim pelaburan kolektif Islamik (Dana Sasaran) yang melabur dalam pasaran rantau Asia Pasifik kecuali Jepun.  Dana Sasaran akan dipantau untuk menilai prestasi, proses, gaya dan kedudukan. Peruntukan kepada, atau Dana Sasaran mungkin berubah jika ia dianggap tidak sesuai untuk memenuhi objektif Dana.  <i>Nota: Rujuk kepada pendedahan tambahan untuk butiran Dana Sasaran</i>
Peruntukan Aset	<ul style="list-style-type: none"><li>• Sehingga 100% Nilai Aset Bersih (NAV) Dana ke dalam Dana Sasaran; dan</li><li>• Baki NAV Dana yang tidak dilaburkan ke dalam Dana Sasaran akan dilaburkan dalam instrumen pasaran wang Islamik.</li></ul>
Tanda Aras Prestasi	30% Indeks Syariah EMAS FTSE Bursa Malaysia + 70% Indeks Islam MSCI AC Asia ex Japan
Pengurus Dana	Prudential BSN Takaful Berhad 200601020898 (740651-H)

Yuran & Caj	
Caj Pengurusan Aset Wakalah	1.5% setahun
Caj Lain, jika ada	TIADA

# TAKAFULINK DANA ASIA

## Pendedahan Tambahan untuk Takafulink Dana Asia

Takafulink Dana Asia disalurkan ke dalam Principal DALI Asia Pacific Equity Growth Fund (dahulunya dikenali sebagai CIMB Islamic DALI Asia Pacific Equity Growth Fund), yang diuruskan oleh Principal Asset Management Berhad (Pengurus Dana Sasaran).

Sila ambil perhatian bahawa anda hanya akan dikenakan caj 1.5%, caj *Wakalah* pengurusan aset tahunan di peringkat Dana. Anda tidak akan dikenakan caj *Wakalah* pengurusan aset tahunan di peringkat Dana Sasaran.

### Prestasi Dana

Tahun	Prestasi Sebenar	Tanda Aras^^
2022	(16.85%)	(15.31%)
2021*	0.26%	(1.89%)

\* Takafulink Dana Asia telah dilancarkan pada 10hb Mei 2021. Prestasi dana adalah daripada tarikh dana dilancarkan sehingga akhir tahun pada tahun yang sama (pulangan bukan tahunan).

^^30% Indeks Syariah EMAS FTSE Bursa Malaysia + 70% Indeks Islamik MSCI AC Asia ex Japan

Jadual berikut adalah berdasarkan sejarah prestasi Dana Sasaran.

Tahun	2022	2021	2020	2019	2018	2017	2016	2015	2014	2013
Prestasi Bersih (%)	(18.57)	0.26	24.91	15.73	(15.58)	20.73	(1.10)	9.99	3.54	13.48

Prestasi dikira pada NAV<sup>#</sup> tahun n-1 hingga NAV<sup>#</sup> tahun asas n dengan pendapatan kasar atau dividen yang dilaburkan semula.

# NAV disini merujuk kepada Nilai Aset Bersih Principal DALI Asia Pacific Equity Growth Fund.

Untuk maklumat lanjut mengenai Dana Sasaran, sila rujuk <https://www.principal.com.my/>

Asas pengiraan prestasi lampau:

$$= \frac{\text{NAV}^* \text{ untuk tahun } n}{\text{NAV}^* \text{ untuk tahun } n-1} \% - 100\%$$

\* NAV di sini merujuk pada Nilai Aset Bersih Dana.

**Nota Penting:** Prestasi lampau Dana bukan satu petunjuk untuk prestasi masa hadapan. Ini adalah prestasi untuk dana pelaburan semata-mata dan bukan pulangan yang diperolehi daripada sumbangan sebenar yang dibayar untuk produk takaful berkaitan pelaburan.

# TAKAFULINK DANA ASIA

## Harga Hadapan

Unit diwujudkan dan dibatalkan pada tarikh penentuan harga berikutnya selepas penerimaan sumbangan atau pemberitahuan tuntutan masing-masing.

## Faktor Risiko

Sila rujuk kepada butiran Faktor Risiko yang dinyatakan di bawah:

- **Risiko Pasaran**

Risiko pasaran merujuk kepada potensi kerugian yang berkemungkinan timbul akibat perubahan ketara dalam suasana pasaran. Secara umumnya, keadaan pasaran, dipengaruhi pelbagai faktor termasuk kestabilan ekonomi dan politik. Sekiranya pasaran di mana Dana dilaburkan mengalami kemerosotan akibat keadaan ekonomi atau ketidakstabilan politik, ia boleh memberi impak kepada harga pasaran pelaburan Dana.

- **Risiko Kecairan**

Risiko kecairan merujuk kepada dua senario. Senario pertama adalah di mana pelaburan tidak dapat dijual kerana ketiadaan pembeli untuk pelaburan tersebut. Senario kedua pula adalah di mana pelaburan tersebut kurang didagangkan. Ia boleh menyebabkan Dana melupuskan pelaburan tersebut di pasaran pada harga yang tidak memberangsangkan dan memberi kesan buruk kepada pelaburan yang dibuat oleh peserta. Risiko kecairan boleh dikurangkan melalui proses pemilihan sekuriti cair yang ketat dan pemantauan aktif.

- **Risiko Sekuriti**

Harga sekuriti patuh Syariah tertentu boleh berubah mengikut keadaan yang menjelaskan syarikat-syarikat individu. Oleh itu, sebarang pergerakan ketara dalam harga sesuatu sekuriti patuh Syariah yang dilaburkan oleh Dana boleh menjelaskan NAV Dana. Pengurus Dana Sasaran akan berusaha untuk mengurangkan kesan risiko sekuriti patuh Syariah berkenaan dengan mempelbagaikan sekuriti dalam portfolio.

# TAKAFULINK DANA ASIA

## Faktor Risiko

- **Risiko Ketidakpatuhan**

Ketidakpatuhan kepada undang-undang, peraturan, syarat, resolusi Syariah, amalan baik, dasar dan prosedur dalaman boleh mengakibatkan pengawasan dari pihak berkuasa, mengancam reputasi dan mengurangkan potensi pengembangan Dana. Matlamat pelaburan juga mungkin terjejas sekiranya Pengurus Dana tidak mematuhi mandat pelaburan. Untuk mengurangkan risiko ini, Pengurus Dana mempunyai kawalan dalaman yang ketat dan perlu memastikan pematuhan berterusan dengan undang-undang, peraturan, syarat, resolusi Syariah, amalan baik dan polisi dalaman serta prosedur yang ditetapkan oleh Pengurus Dana.

- **Risiko Syarikat Pengurusan**

Prestasi Dana bergantung kepada pengalaman, kepakaran dan pengetahuan syarikat pengurusan. Sekiranya syarikat pengurusan mempunyai sebarang kekurangan yang berkaitan dengan mana-mana kualiti di atas, ia boleh menjaskan prestasi Dana.

- **Risiko Inflasi**

Risiko ini merujuk kepada risiko di mana pelaburan peserta dalam Dana mungkin tidak berkembang atau menjana pendapatan pada kadar yang seiring dengan inflasi, sekaligus menyebabkan pengurangan kuasa pembelian peserta walaupun dari sudut kewangan, pelaburan tersebut telah meningkat.

- **Risiko Pengkelas Semula Status Syariah**

Ini adalah risiko di mana sekuriti ekuiti patuh Syariah yang sedang dipegang dalam Dana Sasaran boleh dikelaskan semula sebagai tidak patuh Syariah selepas semakan berkala sekuriti tersebut dilakukan oleh Majlis Penasihat Syariah Suruhanjaya Sekuriti atau Penasihat Syariah. Jika ia berlaku, Pengurus Dana Sasaran akan mengambil langkah yang perlu untuk melupuskan sekuriti tersebut. Peluang kerugian boleh berlaku akibat sekatan ke atas Dana Sasaran untuk menyimpan lebihan keuntungan modal yang diperolehi daripada pelupusan ekuiti yang dikelaskan semula sebagai tidak patuh Syariah. Jika ia berlaku, Dana Sasaran perlu:

- i. melupuskan sekuriti berkenaan dengan kadar segera atau dalam masa satu (1) bulan kalender jika nilai sekuriti melebihi atau bersamaan dengan kos pelaburan pada tarikh kuat kuasa pengkelas semula Senarai Sekuriti Patuh Syariah ("Pengkelas Semula") yang dikeluarkan oleh Majlis Penasihat Syariah Suruhanjaya Sekuriti atau tarikh semakan ("Semakan") daripada Penasihat Syariah. Dana Sasaran dibenarkan untuk menyimpan dividen yang diterima dan lebihan keuntungan modal daripada pelupusan sekuriti sehingga pada tarikh kuat kuasa pengkelas semula atau penilaian semula. Bagaimanapun, sebarang dividen yang diterima dan lebihan keuntungan modal daripada pelupusan sekuriti tidak patuh Syariah selepas tarikh kuat kuasa pengkelas semula hendaklah disalurkan kepada baitulmal dan/atau badan amal yang diluluskan;

# TAKAFULINK DANA ASIA

## Faktor Risiko

- ii. untuk memegang sekuriti tersebut jika nilai sekuriti di bawah kos pelaburan pada hari dagangan terakhir sebelum tarikh kuat kuasa pengkelasan atau penilaian semula sehingga jumlah dividen berikutnya yang diterima (jika ada) dan harga pasaran sekuriti bersamaan dengan kos pelaburan di mana pelupusan perlu dilakukan dalam tempoh satu (1) bulan kalendar, keuntungan modal (jika ada) daripada pelupusan sekuriti tersebut hendaklah disalurkan ke baitulmal dan/atau badan amal yang diluluskan oleh Penasihat Syariah; atau
- iii. untuk melupuskan sekuriti tersebut pada harga lebih rendah berbanding kos pelaburan yang akan menyebabkan pengurangan nilai Dana Sasaran.

- **Risiko Pihak Lawan**

Dana akan terdedah kepada risiko kredit pihak lawan yang menjadi rakan dagang Dana. Dana mungkin meletakkan deposit Islamik dan melabur dalam instrumen pasaran wang Islamik. Sekiranya pihak pihak lawan tidak dapat memenuhi tanggungjawabnya terutama jika berlaku kemuflihan, ia boleh menyebabkan kerugian kepada Dana. Risiko pihak lawan boleh dikurangkan melalui pelaksanaan penilaian kredit ke atas pihak pihak lawan untuk menentukan kebolehpercayaan kredit pihak pihak lawan.

- **Risiko Pengurusan Dana Sasaran**

Walaupun Pengurus Dana akan menggunakan kemahiran dan ketelitian untuk memilih Dana Sasaran, ia tidak mempunyai kawalan ke atas pengurusan Dana Sasaran dan tiada jaminan bahawa objektif pelaburan akan dicapai. Ini boleh mengakibatkan peserta mengalami kerugian bagi pelaburan mereka dalam Dana.

Dana Sasaran mungkin mengubah objektifnya dan menjadi tidak selaras dengan objektif Dana. Dalam keadaan tersebut, Pengurus Dana akan menggantikan Dana Sasaran dengan skim pelaburan kolektif patuh Syariah lain yang dianggap lebih sesuai oleh Pengurus Dana untuk memenuhi objektif Dana. Peserta akan diberitahu mengenai pertukaran tersebut.

- **Risiko Mata Wang**

Dana akan dilabur di pasaran asing, oleh itu, pelaburan akan didenominasikan dalam mata wang asing. Oleh kerana Dana didenominasikan dalam Ringgit Malaysia, pelaburan dalam mata wang asing akan menyebabkan Dana terdedah kepada risiko mata wang. Kesan daripada kadar pertukaran di antara mata wang asas Dana dan mata wang asas pelaburan boleh mengakibatkan susut nilai ke atas pelaburan seperti dinyatakan dalam mata wang asas Dana. Dana ini tidak berhasrat untuk terlibat dalam mana-mana perlindungan nilai mata wang untuk mengurangkan risiko mata wang.

# TAKAFULINK DANA ASIA

## Faktor Risiko

- **Risiko Negara**

Dana ini mungkin terjejas oleh risiko khusus kepada negara-negara di mana Dana Sasaran dilaburkan. Risiko ini mungkin disebabkan oleh tetapi tidak terhad kepada perubahan di dalam asas ekonomi, kestabilan sosial dan politik, perubahan mata wang dan polisi pelaburan asing di setiap negara tersebut. Faktor-faktor ini boleh memberi kesan ke atas harga pelaburan Dana Sasaran di negara berkenaan dan seterusnya boleh menjelaskan NAV Dana.

Pelaburan dalam pasaran tertentu boleh dihadkan atau dikawal. Di sesetengah negara, pelaburan langsung dalam sekuriti patuh Syariah mungkin dilarang dan disebat kerana keperluan undang-undang. Pembatasan ini boleh meningkatkan kos urus niaga dan menjelaskan kecairan dan harga sekuriti patuh Syariah berkenaan.

Pengurus Dana akan sentiasa memantau dan memerhati perkembangan di negara-negara di mana aset Dana Sasaran dilaburkan. Di samping itu, Pengurus Dana Sasaran akan menggunakan proses pelaburan yang bersistematis, termasuk semakan yang kerap, untuk mengurus dan mengurangkan risiko ini.

- **Risiko Tumpuan**

Risiko ini merujuk kepada risiko bahawa Dana Sasaran melaburkan sebahagian besar asetnya dalam sektor tertentu atau kawasan geografi yang boleh menyebabkan Dana lebih mudah terdedah kepada keadaan ekonomi yang memberi kesan terhadap industri atau rantau tertentu. Risiko ini dikurangkan melalui proses kepelbagaian yang dilaksanakan oleh Pengurus Dana Sasaran semasa menguruskan Dana Sasaran di mana Dana akan memegang kepelbagaian portfolio ekuiti patuh Syariah merentasi sektor dan negara.

- **Risiko Pasaran Baru dan Membangun**

Dalam pasaran baru dan membangun, infrastruktur perundangan, kehakiman dan pengawalseliaan masih berkembang dan terdapat banyak ketidakpastian undang-undang bagi kedua-dua peserta pasaran tempatan dan di luar negara. Oleh kerana pasaran baru dan membangun membawa risiko yang ketara kepada Dana, oleh itu sebelum melabur dalam Dana, peserta harus memahami risiko yang berkaitan dan berpuas hati bahawa pelaburan dalam Dana adalah sesuai.

# TAKAFULINK DANA ASIA

## Faktor Risiko

- **Risiko Dikaitkan dengan Pelaburan dalam Waran**

Terdapat risiko yang dikaitkan dengan pelaburan Dana Sasaran dalam waran. Nilai waran dipengaruhi oleh harga pasaran semasa sekuriti sandaran, pelaksanaan harga kontrak, dan anggaran tentang turun-naik masa hadapan harga sekuriti sandaran dibahagi dengan hayat kontrak. Secara amnya, pengurangan nilai waran lebih ketara apabila ia menghampiri tarikh kematangan. Seperti sekuriti, Pengurus Dana Sasaran akan melakukan penyelidikan dan analisis asas mengenai instrumen ini dengan sasaran untuk mengurangkan risikonya.

- **Risiko Sekuriti Tertentu**

Harga sesuatu sekuriti tertentu mungkin berubah sebagai tindak balas kepada keadaan yang memberi kesan kepada syarikat individu seperti prestasi kewangan yang tidak bagus, berita tentang kemungkinan berlakunya penggabungan atau kehilangan kakitangan utama syarikat. Sebarang pergerakan harga yang ketara saham tersebut boleh menjelaskan NAV Dana Sasaran.

- **Risiko dikaitkan dengan Pelaburan dalam Skim Pelaburan Kolektif (CIS)**

Apabila Dana Sasaran mungkin melabur dalam CIS Islamik, terdapat risiko penumpuan ke dalam CIS Islamik, di mana syarikat pengurusan CIS Islamik mempunyai budi bicara mutlak ke atas teknik dan pengetahuan pelaburan, kawalan dan pengurusan operasi CIS Islamik tersebut. Sekiranya berlaku salah urus CIS Islamik tersebut dan/atau syarikat pengurusan, NAV Dana Sasaran yang melabur dalam CIS Islamik berkenaan boleh menerima kesan negatif. Jika ia berlaku, Pengurus Dana Sasaran akan mencari CIS Islamik lain yang konsisten dengan objektif Dana Sasaran.

*Nota: Maklumat di atas tidak boleh dianggap sebagai senarai risiko lengkap yang perlu dipertimbangkan oleh peserta sebelum melabur dalam Dana. Peserta seharusnya menyedari bahawa pelaburan dalam Dana mungkin terdedah kepada risiko-risiko lain dari semasa ke semasa. Peserta hendaklah merujuk kepada penasihat profesional untuk memahami risiko yang ada dengan lebih lanjut.*

# TAKAFULINK DANA ASIA

## Strategi Pengurusan Risiko

Strategi pengurusan risiko yang digunakan oleh Pengurus Dana termasuk yang berikut:

- Memantau keadaan pasaran dan ekonomi;
- Memantau kepatuhan objektif dan sekatan serta batasan bagi Dana;
- Memantau prestasi Dana;
- Mengambil posisi defensif sementara, apabila perlu; dan
- Menyalur dan melaporkan hal pelaburan kepada jawatankuasa pelaburan, pasukan pengurusan kanan, jawatankuasa audit, jawatankuasa Syariah dan lembaga pengarah.

## TAKAFULINK DANA ASIA

Maklumat Lain	
Pasaran Sasaran	<p>Peserta yang ingin mendapatkan peningkatan modal dalam pelaburan jangka panjang dengan toleransi risiko tinggi dan ingin mempunyai pendedahan pelaburan di rantau Asia-Pasifik ex-Jepun termasuk Malaysia.</p>
Dasar & Kekerapan Penilaian Unit	<ul style="list-style-type: none"><li>• Penentuan harga unit dilakukan setiap hari.</li><li>• Harga unit dikira berdasarkan pada nilai pasaran aset-aset sandaran Dana, dibahagikan dengan bilangan unit yang dikeluarkan.</li><li>• Dana tidak membayar sebarang dividen. Semua pendapatan dan keuntungan modal secara automatik dilabur semula dalam harga unitnya.</li><li>• Harga unit ialah harga tunggal di mana unit diwujudkan dan dibatalkan.</li><li>• Harga unit Dana dinilai pada akhir setiap hari perniagaan (Tarikh Penilaian). Bagaimanapun, disebabkan nilai pelaburan Dana pada akhir Tarikh Penilaian tertentu hanya akan diketahui pada hari perniagaan berikutnya, penentuan harga unit Dana pada Tarikh Penilaian tertentu hanya akan diterbitkan dan dimaklumkan pada 2 hari perniagaan berikutnya (<math>T + 2</math>).</li></ul>
Keadaan Dikecualikan	<ul style="list-style-type: none"><li>• PruBSN boleh menggantung harga unit dan menangguhkan penerbitan atau penebusan unit, mahupun beralih kepada mana-mana dana di bawah Dana ini untuk tempoh yang munasabah, misalnya intervensi yang mengakibatkan penutupan sementara mana-mana bursa saham atau penggantungan saham tertentu di mana Dana dilaburkan. Dalam keadaan sedemikian, notis untuk penggantungan mungkin dikeluarkan dan mungkin diberitahu kepada peserta bagi permintaan untuk penambahan, pertukaran, penebusan atau pengeluaran kepada/dari mana-mana dana Takafulink tersebut.</li><li>• PruBSN boleh menggantung penentuan harga unit dan urus niaga sijil jika Pengurus Dana Sasaran menggantung langganan Dana Sasaran tersebut.</li></ul>

# TAKAFULINK DANA ASIA

---

## Maklumat Mengenai Dana Sasaran

### Principal DALI Asia Pacific Equity Growth Fund

#### Strategi Pelaburan

Dana Sasaran boleh melaburkan minimum 70% dan sehingga maksimum 98% daripada NAV dalam ekuiti patuh Syariah untuk mencapai pertumbuhan modal jangka panjang dan sehingga 28% NAV dalam lain-lain pelaburan patuh Syariah yang dibenarkan. Dana Sasaran boleh memilih untuk melabur dalam ekuiti asing patuh Syariah sehingga maksimum 70% NAV. Ekuiti asing patuh Syariah tersebut mestilah syarikat yang berdomisil, disenaraikan, dan/atau mempunyai operasi utama di negara-negara rantau Asia Pasifik kecuali Jepun.

"Operasi utama" bermaksud perniagaan utama syarikat. Sebagai contoh, Dana Sasaran boleh melabur dalam syarikat yang mempunyai perniagaan utama dan/atau operasi di Thailand tetapi disenaraikan di Bursa Saham New York. Nilai ambang bagi 'operasi utama' adalah sekiranya lebih daripada 25% jumlah perolehan kumpulan diterima dari negara-negara Asia Pasifik kecuali Jepun. Pengiraan akan berdasarkan laporan kewangan terkini yang diterbitkan oleh syarikat (seperti laporan interim dan tahunan). Dana Sasaran juga boleh memilih untuk mendapatkan pendedahan pelaburan melalui CIS Islamik yang selaras dengan objektif Dana Sasaran, tertakluk kepada syarat-syarat Garis Panduan SC.

**Penafian:**

Helaian fakta dana ini disediakan oleh Prudential BSN Takaful Berhad ("PruBSN") untuk maklumat am dan tujuan ilustrasi sahaja dan tidak sepatutnya dijadikan asas untuk membuat keputusan pelaburan, kewangan atau keputusan-keputusan lain. Walaupun bahan-bahan yang digunakan dalam penyediaan profil dana ini diperolehi daripada sumber-sumber yang boleh dipercayai, PruBSN tidak menjamin ketepatan dan kesempurnaan maklumat. Sebarang analisis dan pendapat yang dinyatakan adalah tertakluk pada perubahan tanpa notis. Prestasi masa lalu tidak menjamin keputusan masa hadapan. Para pembaca dinasihatkan untuk menghubungi PruBSN atau ejen-ejennya untuk butiran lanjut dan penjelasan maklumat yang berkaitan dengan produk yang ditawarkan oleh kami. PruBSN dan sebarang gabungannya yang berkaitan menafikan sebarang bentuk liabiliti sekiranya para pembaca mengalami kerugian apabila mereka hanya bergantung kepada kandungan maklumat di dalam profil dana ini.

# TAKAFUL

Untuk Semua. Untuk Kehidupan

Prudential BSN Takaful Berhad merupakan Pengendali Takaful yang berdaftar di bawah Akta Perkhidmatan Kewangan Islam 2013 dan dikawal selia oleh Bank Negara Malaysia.

**Prudential BSN Takaful Berhad 200601020898 (740651-H)**  
Level 13, Menara Prudential, Persiaran TRX Barat, 55188 Tun Razak Exchange, Kuala Lumpur.

Talian Khidmat Pelanggan: +603 2775 7188  
E-mel: customer@prbsn.com.my

[www.prbsn.com.my](http://www.prbsn.com.my)



*Semua maklumat dianggap sah pada tarikh penerbitan.  
Terbitan Mac 2023*